



武庫
第 186
卷 9

問氏
杏庭

同書

辨證錄卷之九

清 大山陰 陳士鐸敬之甫著

大日本 長崎 淺井俊元民甫校

大便閉結門

松井家藏

人有大便閉結者其症口乾舌燥咽喉腫痛頭目昏暈面紅煩躁
人以為火盛閉結也誰知是腎水之涸乎夫腎水為肺金之子
大腸與肺為表裏肺能生子豈大腸獨不能生水乎不知金各
不同金得清氣則能生水金得濁氣不特不能生水反欲得水
以相養故大腸得氣之濁無水則不能潤也雖然大腸之開闔
雖腎水潤之亦腎火主之也而腎火必得腎水以相濟無腎火
而大腸洞開矣無腎水以濟腎火則大腸又固結而不得出故
腎虛而大腸不通不可徒瀉大腸也瀉大腸愈損其真陰矣此

中館圖書印

等之症老人最多正以老人陰衰乾燥火有餘而水不足耳治法但補其腎中之水則水足以濟火大腸自潤矣方用濡腸飲熟地二兩當歸一兩肉苳蓉一兩水洗澹水浸一日換水五次水煎空腹服一連數劑無不通者此方用熟地補腎用當歸生血潤腸用苳蓉性動以通便補陰而非亡陰於老人尤宜而少年腎虛之輩亦何獨不利哉

此症用濡腸湯亦效

熟地當歸各一兩升麻五分牛膝三錢水煎服

人大便閉結小腹作痛胸中噎氣畏寒畏冷喜飲熱湯人以為火衰閉結也誰知是腎火之微乎夫大腸屬金金宜畏火之刑何無火而金反閉耶不知頑金非火不煅所以大腸必得火始能開闔大腸者傳道之官也有火則轉輸無碍無火則幽陰之氣閉塞其輸輓之途如大溪巨壑霜雪堆積結成冰凍堅厚而

不可開倘得太陽照臨則立時消化非大腸有火則通無火則閉之明驗乎然而大腸本經不可有火也火在大腸則大腸有太熱之虞火在腎中則大腸無大寒之懼倘腎中無火則大腸何以傳化水穀哉治法必須補腎中之火不必通大腸之結也方用溫腸開閉湯巴戟天一兩白朮一兩熟地一兩山茱萸以錢附子二錢水煎服此方用巴戟熟地山茱萸以補腎至陰之中仍有氣又用白朮以利腰臍用附子直通其腎迅達于膀胱則火氣至陽之薰蒸陽回黍谷雪消冰泮何至固結閉塞哉

此症用煖腸湯亦效

白朮肉苳蓉各一兩附子一錢水煎服

人大便閉結煩躁不寧口渴舌裂兩目赤突汗出不止人以為火盛閉結也誰知是胃火之沸騰乎夫陽明胃火一發必有燥乾腎水之禍大便不通正胃火燥乾腎水也似宜急救息其火

但火性炎上，若以細微之水潑之，則火勢愈烈而不可止，必得滂沱大雨，傾盆倒甕，淋漓澆濯，則燎原之火，庶几盡息。方用竹葉石膏湯，石膏一兩，知母三錢，麥冬一兩，甘草一錢，茯苓二錢，人參五錢，竹葉一百片，粘米一撮，水煎服。一劑火瀉，二劑便通。改用清肅湯，玄參一兩，麥冬五錢，白芥子三錢，竹葉三十片，甘菊花二錢，生地三錢，陳皮五分，丹皮二錢，水煎服。十劑大便永無閉結之苦。前用白虎湯，以火勢太盛，不得已暫救腎中之水也。但石膏辛散，而性又猛烈，頻用多用，反致損耗真陰。真陰一耗，則前火雖消，後火又將復起。况火之有餘，水之不足也。與其瀉火以損陰，何若補水以制陽之為得。所以改用清肅湯，補水以息陽火之餘燄耳。

此症用潤胃丹亦效
石膏五錢，知母一錢，玄參一兩，生地五錢，牛膝三錢

甘草五分
水煎服

人有大便閉結，胸中飽悶，兩脇疼痛，嘔酸作吐，不思飲食，人以為火之作祟也。亦知為肝火之故乎。夫肝屬木，木易生火，火旺似宜生脾胃之土，土又生金，何至大腸無津，成閉結之症。不知肝中之火，乃木中之火，半是雷火也。雷火最能爍水，試看連陰久雨，必得雷電交作，始散陰霾，正爍水之明徵也。故肝火不動則已，動則引心包之火而沸騰，引陽明之火而震動，火多而水有不涸者乎。水涸而大腸安得不閉結哉。故欲開大腸之閉，必先瀉肝木之火，則肝氣自平，不來尅土，胃脾之津液，自能轉輸于大腸，而無阻滯之苦矣。方用散火湯，白芍一兩，當歸一兩，炒梔子三錢，柴胡三分，大黃一錢，地榆二錢，水煎服。一劑大便通，二劑肝火盡散，不再閉結也。此方專入肝以瀉火，又能舒肝之鬱。

蓋肝不鬱則肝火必不旺肝火一散各經之火無不盡散豈獨留大腸一經之火哉况方中原有地榆又專解大腸之火者也

此症用丹黃湯亦神
炒梔子丹皮各三錢白芍五錢甘草黃芩各一錢水煎服

人有大便閉結口乾唇裂食不能消腹痛難忍按之益痛小便短澁人以為大便之火閉也誰知是脾火之作祟哉夫脾乃濕土得火則燥宜為脾之所喜何反成閉結之症不知土太柔則崩土太剛則燥土崩則成廢土土燥則成焦土也然而土焦非陽明之燄下逼必命門之火上炎二火合攻脾之津液涸矣水穀之入僅足供脾之用何能分潤于大腸乎大腸無津液之潤則腸必縮小不能容物安得不閉結哉治法須急救脾土之焦又必先瀉陽明命門之火始脾土得養自易生陰陰生而津液自

潤何必通大腸之多事哉方用救土通腸湯玄參二兩當歸一兩生地一兩知母一錢厚朴一錢升麻五分大麻子三十粒水煎服二劑大便必通減去大麻子與知母再用四劑脾火盡散大便不再結矣此方玄參生地補脾土之陰又是瀉命門脾胃之火當歸取以潤腸知母厚朴取其下行以解熱升麻提脾土之氣則陽升而陰自降大麻子最潤大腸而引火下行不使陰氣上升正助升麻以提陽氣陽既升而陰又降則津液無乾澁之虞何患大腸之不通哉

此症用助陰湯亦效
玄參當歸生地各五錢知母一錢牛膝三錢水煎服

人有大便閉結舌下無津胸前出汗手足冰冷煩悶發燥大背紅赤人以為大便之火閉也然亦知是心火之焚燒乎夫心與小腸為表裏未聞心與大腸有妨碍也然大腸雖不與心為表裏

實與肺為表裏，心火之盛刑肺，即刑大腸矣。蓋大腸屬金，心火太盛，則心不能受，自分其火與大腸，而大腸又最畏心火。火盛燦金，可立而待也。雖肺能生水，肺與大腸有表裏之關切，豈無津液之降，以救大腸之枯渴，無如肺先受心火之刑，自救不遑。親子如腎，尚不能分潤，安有餘波，以及兄弟來救援大腸乎。此大腸之所以不通也。治法宜急瀉火，但徒瀉其火，無汪洋甘澤之降，恐不足以濟大旱之渴也。必須以大兩淋之，則早魃之氣頓除，而河渠盡通矣。方用掃氛湯，黃連三錢，玄參三兩，沙參一兩，當歸一兩，麥冬一兩，丹皮一兩，瓜萼二錢，水煎服。一劑心火降，大便即通，不必二劑。此方用黃連，以直解其心中之熱，然徒用黃連，不益之玄參，則黃連雖寒，而性燥，火雖解，而大腸之燥如故也。得玄參之潤，以助勸黃連，則浮遊之火不特盡除，且潤

以去燥，不啻如夏熱之時，忽得大雨，既去火炎，又沾溼渥也。至於沙參生陰，當歸生血，麥冬涼肺，丹皮涼腎，無非斷四路之氛，使其不來助，心中之燄，加入瓜萼，使火存于心中者，盡隨濡潤之藥，下降而消滅之也。火滅水生，則大腸之炎氛頓掃，欲不通得乎，所以一劑而奏功也。

此症用散襟湯亦效
黃連丹皮各三錢當歸麥冬各一兩天花粉二錢水煎服

人有大便閉塞不通，咳嗽不寧，口吐白沫，咽喉乾燥，兩腳冰冷，人以為三焦之火旺也。誰知是肺經之火旺乎。夫肺屬金，大腸相表裏，最為關切者也。肺火之旺，何竟傳入于大腸，不知肺乃嬌藏，僅可微火薰蒸，不可猛火煨煉。故一遇火生，即移其熱于大腸也。且肺主皮毛，肺氣少虛，風寒襲之，則肺中正氣與邪氣相

戰寒變熱而風變邪，肺因生火，自燦其津，肺與大腸既相唇齒，肺之津涸，大腸之液亦竭矣。治法但宜輕治肺火，而不可重施，以輕清下降之味，少抑其火，庶胃中之火不來助炎，心中之火不來添旺，則肺火自散，陰液自生，大腸不必通而自通也。方用抑火湯：山豆根二錢，黃芩三錢，麥冬一兩，天門冬五錢，當歸一兩，升麻五分，水煎服。二劑肺火清，又服二劑，大腸之閉開，再服二劑全愈。此方抑肺金之火，又不傷肺金之氣，肺金得養，津液通而大腸潤矣。

此症用苓麻地冬湯亦效

麥冬二兩，黃芩、天門冬各三錢，升麻、甘草各一錢，生水煎服。

人有大腸閉結不通，飲食無碍，并無火症之見，亦無後重之機，有至一月不便者，人以爲腎中之無津也，誰知是氣虛而不能推

送乎？夫大腸無津，固不能潤，而氣弱亦不能行陽氣。一衰則陽不能通陰，而陰與陽相隔，水穀入于腸，各消各化，不相統會，故留中而不下也。治法不可滋陰以降之，亟當助陽以升之也。方用升陽降濁湯：人參五錢，黃芪五錢，白朮五錢，當歸五錢，柴胡三分，荆芥五分，麥冬五錢，肉桂一錢，附子一分，水煎服。一劑大通。此方純是補陽分之藥，止麥冬當歸少益其陰，則陽氣勝陰，始有偏旺之勢，又得附子肉桂直入于至陰之中，引柴胡荆芥升題其陽氣也。陽氣一升，陰氣立降，安能阻塞之哉。

此症用潤輸湯亦效

黃芪五錢，當歸一兩，川芎五錢，升麻五分，紅花五分，麥冬、肉苁蓉各五錢，水煎服。

人有大便閉結不通，手按之痛甚，欲死，心中煩躁，坐卧不寧，似乎有火，然小便又復清長，人以爲有鞭屎留于腸中也，誰知有畜

血不散乎夫畜血之症傷寒多有之今其人並不感風寒之邪何亦有畜血之病不知人之氣血無刻不流通于經絡之中一有拂抑則氣即鬱塞不通血即停住不散于是遂遏于皮膚而為癰留于腸胃而成痛搏結成塊阻住傳化之機隔斷糟粕之路大腸因而不通矣治法宜通大腸佐之逐穢之味然而草木之藥可通無形之結不能通有形之結也血乃有形之物必得有形相制之物始能入其中而散其結方用抵當湯治之水蛭三錢剪碎如米粒大炒黑虻虫二錢各為末桃仁十四粒研碎大黃五錢水煎調服一劑而大便通頓失痛楚矣蓋大黃泄下其勢最猛得水蛭虻虫桃仁破血之味相佐其破堅逐穢之效更神此等閉結不速通利必有發狂之變但何以辨其為畜血之病乎全在看其小便之利與不利耳蓋畜血之病小便必利

以血不能入于膀胱之中故膀胱之氣能行能化無害其下出之水道耳故見小便利而大便結者用抵當湯萬無差謬耳

此症用大黃散瘀湯亦神
水蛭炒黑三錢大黃丹皮各三錢當歸一兩紅花一錢
錢桃仁十四個生
地五錢水煎服

小便不通門

人有小便不通點滴不能出急悶欲死心煩意躁口渴索飲飲而愈急人以爲小腸之熱極也誰知是心火之亢極乎夫心與小腸爲表裏小腸熱極而癰閉乃熱在心而癰閉也蓋小腸之能開闔者全責于心腎之氣相通也今心火亢熱則清氣不交于小腸惟烈火之相迫小腸有陽無陰何能傳化乎小腸既不能傳化膀胱何肯代小腸以傳化耶况心腎之氣既不入于小腸亦何能入于膀胱以傳化夫水哉治法瀉心中之火兼利其

辨證錄 卷之六
膀胱則心腎氣通小便亦通矣方用涼心利水湯麥冬一兩茯苓
神五錢蓮子心一錢車前子三錢水煎服二劑水出如注四劑
全愈此方補心之藥即涼心之藥也在心既無太亢之虞在小
腸又寧有大乾之患况又有滑利澹滲之味以通其水則心氣
自交於腎腎氣自交于膀胱氣化易于出水豈尚有不通之苦
哉

人有小腸不通眼睛突出面紅耳熱口渴引飲煩躁不寧人以爲
上焦之火盛也誰知是膀胱之火旺乎夫膀胱與腎爲表裏膀
胱必腎氣相通而後能化水是膀胱之火即腎中命門之火也
膀胱無火不能化水何火盛反閉結乎不知膀胱得正火則水
易分消得邪火而水難通利蓋膀胱乃太陽之經也大陽最易
入邪一入邪而寒變爲熱熱結于膀胱乃邪將散之時也邪既

將散宜火隨溺而泄矣何反成閉結之症蓋因邪將出境惟恐
截殺去路故作威示強屯住于膀胱耳治法不必泄腎火但利
膀胱則邪去如掃方用導水散王不留行五錢澤瀉三錢白朮
三錢水煎服一劑通達如故不必二劑此方逐水至神因王不
留行性速善走故用之以祛除耳閉原在膀胱利膀胱而閉自
開何用張皇輕投迅利之劑耶

人有小便閉結點滴不通小腹作脹然而不痛上焦無煩躁之形
胸中無悶亂之狀口不渴舌不乾人以爲膀胱之水閉也誰知
是命門之火寒乎夫膀胱者決瀆之官腎中氣化而能出此氣
即命門之火也命門火旺而膀胱之水通命門火衰而膀胱之
水閉矣或曰小水之勤者由于命門之火衰也火衰正宜小便
大利何反至于閉塞耶不知命門之火必得腎水以相養腎水

衰而火乃旺、火旺者、水無力以制之也、無水之火、火雖旺而實衰、無火之水、水欲通而反塞、命門火衰、而小水勤、衰之極者、勤之極、勤之極者、閉之極也、人見其閉、錯疑是膀胱之火、及用寒劑、愈損其命門之火、膀胱之氣益微、何能化水、改投利水之藥、轉利轉虛矣、治法必須助命門之火、然徒助命門之火、恐有陽旺陰消之慮、必須于水中補火、則火生于水之中、水即通於火之內耳、方用八味地黃湯、熟地一兩、山茱萸五錢、丹皮三錢、山藥五錢、澤瀉三錢、茯苓五錢、肉桂二錢、附子一錢、水煎服、一服即如注、八味湯乃水中補火之聖藥也、水中補火、而火無大炎之懼、火中通水、而水無竭澤之虞、即久閉而至于胞轉、以此方投之、無不奏功于眉睫、况區區閉結哉、

此症用行水湯亦甚效
熟地二兩、巴戟天、茯苓、神、芡、實各一兩、肉桂二錢、水煎

服

也淡
間空
一字
元本
皆同

人有小便不通、目睛突出、腹脹如鼓、膝以上堅硬、皮膚欲裂、飲食不下、獨口不渴、服甘淡滲泄之藥、皆無功效、人以為陽盛之極也、誰知是陰虧之至乎、夫陰陽不可離也、淡甘滲泄之藥、皆陽藥也、病是無陰、而用陽藥、宜乎陰得陽而生矣、然而無陰者、無陰中之至陰也、陰中之至陰、必得陽中之至陽而後化、小便之不通、膀胱之病也、膀胱為津液之府、必氣化乃能出、是氣也、即陽中至陽之氣也、原藏于至陰之中、至陽無至陰之氣、則孤陽無陰、何以化水哉、治法補其至陰、而陽自化也、方用純陰化陽湯、熟地一兩、玄參三兩、肉桂二分、車前子三錢、水煎服、一劑小便如湧泉、再劑而閉如失、此方又勝于滋腎丸、以滋腎丸用黃柏知母苦寒之味、以化水、不若此方用微寒之藥、以化水也、

論者謂病勢危急，不宜用補以通腎，且熟地濕滯，不增其閉滯之苦哉。詎知腎有補無瀉，用知母黃柏，反瀉其腎，不虛其虛乎。何若用熟地純陰之品，得玄參濡潤之助，既能生陰，又能降火，攻補兼施，至陽得之，如魚得水，化其亢炎，而變為清涼，安得不崩決而出哉。或謂既用熟地玄參，以生陰，則至陽可化，何必又用肉桂車前子多事。然而藥是純陰，必得至陽之品，以引入于至陽，而又有導水之味，同羣共濟，所以既能入于陽中，又能出於陽外也。矧肉桂止用其氣，以入陽，而不用其味，以助陽，實有妙用耳。

此症用加生化腎湯，亦神。熟地四兩，生地二兩，肉桂三分，水煎服。

人有小便不出，中滿作脹，口中甚渴，投以利水之藥，不應。人以為膀胱之火旺也。誰知是肺氣之乾燥乎。夫膀胱者，州都之官，津

液藏焉，氣化則能出矣。上焦之氣不化，由于肺氣之熱也。肺熱則金燥，而不能生水，投以利水之藥，益耗其肺氣，故愈行水，而愈不得水也。治法當益其肺氣，助其秋令，水自生焉。方用生脉散治之。人參一兩，麥冬二兩，北五味子一錢，黃芩一錢，水煎服。二劑而水通矣。生脉散補肺氣以生金，即補肺氣以生水是矣。何加入黃芩以清肺，不慮伐金以傷肺乎。不知天令至秋，而白露降，是天得寒以生水也。人身肺金之熱，不用清寒之品，何以益肺以生水平。此黃芩之必宜加入于生脉散中，以助肺金清肅之令也。

此症用麥冬茯苓湯。麥冬三兩，茯苓五錢，水煎服。

人有飲食失節，傷其胃氣，遂至小便不通。人以為肺氣之虛也。誰知是胃氣下陷於下焦，不能升舉之故乎。夫膀胱必得氣化，而

始出氣升者，卽氣化之驗也。氣之升降，全視乎氣之盛衰。氣盛則清氣升，而濁氣降；氣衰則清氣不升，而濁氣不降矣。若胃者多氣之府也，羣氣皆統之，胃氣之盛衰，尤爲衆氣之盛衰也。所以胃氣一虛，各經衆氣多不能舉，故脾胃虛而九竅皆爲之不通，豈獨前陰之閉水哉？治法必須提其至陽之氣，而提氣必從胃始也。方用補中益氣湯：人參二錢、黃芪三錢、白朮三錢、當歸二錢、甘草一錢、陳皮三分、柴胡一錢、升麻五分。水煎服，一劑而小便通矣。再劑全愈。此方用參芪甘溫之味，補其胃氣，以升麻柴胡從化原之下，而升提之，則清升濁降，而肺氣不虛，自能行其清肅之令，何至有閉結之患哉？

內傷門

人有好食肥甘烹炙之物，遂至積于胸胃，久而不化，少遇風邪，便覺氣塞不通，人以爲傷風之外感也。誰知是內傷于食，因而外感乎？凡人胃氣若強，則土能生金，肺氣必旺，外邪不能從皮毛而深入也。惟胃氣之虛，則肺金亦虛，邪始能乘虛而入。然胃不能自強，必假飲食之助，故胃氣開則食易消，胃氣閉則食難化。食易消則胃強，食難化則胃弱。世人多食，本欲助胃也，誰知多食反以損胃乎？胃損則胃弱，胃弱則肺何能強？以外衛夫皮毛乎？是邪因內傷而入，非邪無引而直入也。治法烏可純治外感哉？方用護內湯：白朮三錢、茯苓三錢、麥芽一錢、山查五粒、甘草一錢、柴胡一錢、半夏一錢、枳殼五分、神曲八分、肉桂二分。水煎服，一劑氣塞通，二劑全愈。此方乃消食神劑，又能祛逐外邪，且不傷胃氣，真治內傷感邪初起之良法也。所以二劑奏功耳。

此症用參芪甘桔湯亦效

山查十粒、麥芽人參、桔梗各一錢、枳殼、甘草各五分

茯苓三錢
水煎服

人有饑飽勞役傷損津液以致口渴舌乾又感風邪頭痛發熱人以為外感也誰知是內傷于陰乎夫人身非血不養血足而津液自潤傷血而津液自少血少則皮膚無養毛竅空虛風尤易入然風雖入于皮膚而不能驟進于經絡以陰虛而陽未衰也陽與邪戰而發熱故頭痛耳治法不必補陽補其陰血之虛少佐之祛風之味則陰陽和合邪安能久留哉方用養陰辟邪丹當歸五錢白芍五錢柴胡一錢甘草一錢蔓荊子五分川芎三錢天花粉一錢茯苓三錢水煎服一劑邪解二劑全愈此方補血以養陰則津液自生原因津液之虧而邪入津液足而邪有不出者乎况川芎蔓荊子能祛頭上之邪柴胡炙甘草更善解紛之妙天花粉與茯苓善消痰利濕引邪盡從膀胱而去治陰

倘用攻于補陽之中則陽旺陰消邪轉熾矣烏能速愈哉

此症養津湯亦可用
柴胡半夏甘草蔓荊子各一錢丹皮麥冬各三錢玄
參四錢神曲
五分水煎服

人有饑飽勞役又感冰雪之氣或犯霜露之感遂至腹痛畏寒身熱不解人以為外感之症也誰知是陽氣之內傷乎凡人陽氣壯盛者雖受冰雪霜露而亦不懼惟饑飽損其脾胃勞役困其體膚則臟腑經絡自先虛冷此邪之所以易入也雖有外邪俱作正虛治之况腹痛畏寒尤是虛冷之驗外身雖熱內寒又何疑乎方用加味六君子湯治之人參一錢白朮五錢茯苓三錢陳皮五分甘草一錢半夏五分肉桂一錢柴胡一錢水煎服一劑痛止而蕩其內寒也倘疑身熱而外邪之盛純用祛風利濕之劑則損傷陽氣不啻下石勢必變症蜂起成不可治之症矣

此症用雙桂湯亦效
白朮五錢 茯苓三錢 肉桂甘草各一錢 桂枝羌活各五分 水煎服

人有懷抱素鬱悶悶昏昏忽然感冒風寒身熱咳嗽吐痰不已雖似外感誰知是肝氣不舒因召外感邪夫肝氣最喜條達一遇憂鬱之事則澁滯而不可解正喜外風之吹動則內鬱可舒無如內鬱之甚則木中生火風火相合而熱乃熾也故感冒風寒所以作熱風火作威肝不畏金之剋反去侮肺肺氣不甘兩相戰鬪肺又懼火刑呼救于腎子而咳嗽生矣雖有津液又為肝中風火所耗而津液變為痰涎治法自宜急散肺中之風然風雖散而火尤存則火以引風非救本之道也尤宜舒肝之鬱則火息而風尤易散也方用逍遙散加味治之柴胡一錢白芍三錢當歸二錢甘草一錢白朮一錢陳皮五分茯苓二錢炒梔子

一錢半夏一錢水煎服一劑身熱解二劑咳嗽除三劑全愈此方解鬱之聖藥亦祛風之神劑也直入肝中舒泄其湮鬱之氣鬱解而風自難留加入半夏以消痰梔子以退火更能相助為理所以奏功益捷也

此症用舒解散亦效
白芍當歸各二錢 天花粉香附各一錢 五分 青皮神 一錢 水煎服

人有忍饑受餓腹中空虛時遇天氣不正時寒時熱遂至胸膈悶塞宛如結胸人以爲外邪相侵誰知是內傷其胃氣乎夫胃爲水穀之海雖多氣多血然亦因能受水穀而氣血始旺故水穀多受而胃強水穀少受而胃弱今既饑餓強忍則胃無水穀胃火沸騰遏抑之而不舒則胃氣消亡天時不正之寒熱自易相感乘虛入于胃中而不散因現悶塞之狀治法必須助胃弱而

使之強則邪不戰而自退也。方用加味四君子湯，人參三錢，白朮五錢，茯苓三錢，甘草一分，柴胡一錢，枳殼五分，水煎服。一劑輕，二劑全愈。論理既感寒熱，自宜用熱藥以祛寒，用寒藥以散熱，然而用寒用熱之藥，必皆先入于胃，胃既空虛，寒熱相戰，必以胃為戰場矣。胃弱何能堪乎？故寒熱兩有所不用，惟以健胃為主，佐之和解之味，于補中散之也。

此症用和腹湯亦效

人參柴胡甘草神麩厚朴各一錢，白朮二錢，陳皮五

分，水煎服。

人有素耽麪蘖，日在醉鄉，忽感寒疾，不可以風人以為外傷于風也。誰知內傷于酒乎？夫酒醉之時，熱性可以敵寒，酒醒之時，邪風易于浸正，蓋酒能散氣，氣散則陽虛，而腠理營衛無不空虛，邪所以易入也。故好飲之人，無不氣虛，氣虛而邪入，助其氣而

邪自出矣。方用補中益氣湯，人參二錢，黃芪三錢，當歸三錢，白朮五錢，甘草三分，陳皮五分，升麻三分，柴胡一錢，水煎服。一劑氣旺不畏風矣。二劑全愈。東垣先生制此方，以治內傷，而兼外感實神，以之治傷酒，而感冒風邪者，尤為相宜。使不用此方，以升提陽氣，而專用祛風逐邪之味，則散盡真氣，風邪轉不肯出，必至輕變重，而重變死也。可不慎歟。

人有貪戀房幃，縱情色慾，遂至感冒外邪，傷風咳嗽，睡卧不寧，人以為外感于風也。誰知內傷于腎乎？夫腎為肺子，泄精過多，必取給于肺母，腎虛而肺亦虛，肺氣不能充于毛竅，邪即乘虛而入。倘以為外邪之盛，日用散風之劑，則肺氣益虛，腎水又來取資，是內外盜肺之氣，肺金安得不困乎？肺氣一既困，不特不能生腎中之水，且反耗腎中之氣，遂至變勞變怯者比比也。治宜

補其肺金更補其腎水使腎不盜母氣則肺自得子援子母兩旺外邪自衰不戰而遁矣方用金水兩滋湯麥冬一兩天門冬三錢桔梗一錢甘草一錢熟地一兩茯苓三錢山藥五錢肉桂三分白朮三錢紫苑一錢白芥子二錢水煎服二劑睡卧安四劑咳嗽除十劑全愈腎虛感邪最難愈之病也以散邪之藥不能直入于腎經耳詎知腎虛感邪邪不遠入于腎仍在肺乎散肺經之邪仍補其腎中之水腎得其益肺又無損正善于散邪也

此症用增減六君湯亦效

人參熟地白朮各五錢甘草陳皮神麩各五分柴胡

一錢茯苓三錢肉桂三分水煎服

人有防危慮患日凜恐懼之懷遂至感冒風邪畏寒作顫人以為外感於風也誰知內傷于心膽乎夫恐起于胆懼起于心過于

恐則胆氣先寒過于懼則心氣先喪胆寒則精移心喪則精耗精移精耗心與胆不愈虛乎心胆氣虛邪易中矣夫胆屬少陽胆氣既怯則邪入少陽胆不勝任故畏寒而作顫倘再用祛風之藥則耗損胆氣胆耗而心氣更耗矣心胆二經之氣耗邪又何所畏肯輕出于表裏之外乎治法自宜急助其胆氣之壯胆不寒而心亦不喪則脇力同心祛除外邪自易易耳方用加減小柴胡湯柴胡一錢白芍一兩茯苓五錢麥冬三錢甘草一錢陳皮五分水煎服一劑胆氣壯二劑心氣安三劑風邪盡散此方用柴胡以和解胆中之邪實佐白芍茯苓神麥冬補胆氣之弱而即補心氣之虛也二經得補而氣旺恐懼且不畏又何懼于外邪哉

此症用攸利湯亦可治

白芍五錢茯苓神三錢甘草半夏人參各一錢青皮五

分柴胡一錢水煎服

人有處得意之境，過于歡娛，盡情喜笑，遂至感寒畏風，口乾舌苦，人以為外感也。誰知內傷于心包乎？夫心包乃膻中也，膻中者，臣使之官，喜樂出焉。是歡娛者，正心包之職掌，喜樂何至相傷，惟喜樂太過，大笑不止，未免津乾液燥耳。夫心包護君，以出治者也。心包乾燥，必盜心之氣以自肥，將內府空虛，則宵小之輩，乘機竊發，而邪易入矣。治法自宜急補心中之氣，心氣既旺，心包亦必同旺。蓋國富而家自不貧，自然協力同心，以禦外，何至有四郊之多壘哉？方用衛君湯：人參二錢，白朮五錢，茯苓三錢，甘草一錢，菖蒲一錢，蘇葉一錢，半夏一錢，桔梗一錢，丹參一錢，水煎服。一劑津液生，二劑風邪散，三劑全愈。此方心與膻中均補之藥也。心與心包，原不可分治，內寧何愁外擾乎。

此症用滋生湯亦效

人參柴胡天花粉各一錢，巴戟天茯神白朮各一錢

甘草神麴各五分，肉桂三分，麥冬三錢，水煎服

人有終日思慮憂愁，致面黃體瘦，感冒風邪，人以為外感之病。誰知是內傷于脾腎乎？夫人後天脾胃，先天腎也。二經最不宜病，然最易病也。天下無不思之人，亦少無愁之客，但過于思慮，則胃土之氣不升，脾土之氣不降，食乃停積于中州而不化，何能生津生液，以灌注于五臟乎？甚矣思慮之傷人也。而憂愁更甚，蓋思則傷脾，憂則傷腎，腎傷則腎水不能滋肝，而肝無水養，仍剋脾胃之土，故憂思二者相合，則脾腎兩傷，而外邪尤易深入。欺先後二天之皆虛也。人至先後二天皆虛，其元氣之弱，為何如乎？治法烏可散邪而不扶正哉？方用脾腎雙益丹：人參一兩，白朮一兩，巴戟天一兩，山藥一兩，茯苓五錢，柴胡一錢，甘草一

錢肉桂五分山茱萸三錢水煎服二劑風邪全散十劑全愈此方補土之中有補水之味補水之內有散邪之劑有補之益而無散之傷實乃治憂思內損之神方非止治憂思外感之妙藥也。

此症用復正湯亦妙

熟地白朮各五錢柴胡山茱萸茯苓丹皮各二錢甘

草一錢山藥三錢神麴

五分貝母五分水煎服

人有動多氣惱大聲罵詈覺飲食坐臥居處晉接無非可怒之場遂至感觸風邪身熱胸滿兩脇作脹人以為風邪外感誰知是肝經內傷乎夫肝性急氣惱則肝葉開張氣愈急矣急則氣不能順而逆作血不能藏逆則氣不能舒而脹生血亦不暢木鬱不泄木乃生火火鬱不宣火乃生風內風與外風齊動則內火與外火同焚此風邪之所以易入不可徒祛于外也方用風火

兩消湯白芍一兩炒梔子三錢柴胡二錢天花粉二錢甘草一錢車前子二錢丹皮五錢水煎服一劑輕二劑全愈此方治肝經之內火內風也然而外來風火未常不可兼治故兩治之而奏功也倘不用白芍為君單用柴胡梔子之類雖風火亦能兩平肝中氣血之虛未能驟補風火散後肝木仍燥怒氣終不能解何如多加白芍既能補肝又能瀉風火之得哉

此症用却念散亦妙

柴胡半夏甘草薄荷黃芩神麴各一錢當歸茯苓各

三錢白芍四錢炒

梔子二錢水煎服

人有晝夜誦讀不輟眠思夢想俱在功名勞瘁不自知饑餓不自覺遂至感入風邪咳嗽身熱人以為外感之症誰知內傷于肺乎夫誦讀傷氣氣傷則肺虛而腠理亦虛邪即隨虛而入于肺肺虛不能敵邪呼腎子以相救腎水亦正無多力難上灌于肺

而肺氣往來于肺腎之間故咳嗽而不自安也治法急補其肺氣可也然肺為邪所侮補肺則邪更旺而肺愈難安必兼補胃土之氣以生肺氣則邪不能奪然補胃而不佐以散邪之品則肺畏邪侵未必能受胃氣之益惟于胃中散邪則邪畏土氣之旺聽肺氣自生而邪乃遁矣方用助功湯人參二錢茯苓三錢麥冬五錢甘草一錢桔梗一錢半夏一錢黃芩五分水煎服一劑輕二劑又輕三劑全愈此方肺胃同治也助胃中之氣即助肺中之氣瀉肺中之火即瀉胃中之火祛肺中之邪即祛胃中之邪邪入肺中未有不入陽明者也肺中邪散寧有遁入陽明者乎

此症亦可用來復湯
人參茯苓白木天花粉各三錢遠志甘草各一錢黃連三分麥冬一兩陳皮三分蘇葉一錢五分水煎服

人有終日高談連宵聚語口乾舌渴精神倦怠因而感冒風寒頭痛鼻塞氣急作喘人以爲風邪外感誰知是氣血內傷乎夫多言傷氣而血生于氣氣傷而血未有不傷者况多言則津液盡耗津液亦陰血之餘氣屬肺血屬肝氣血兩傷即肺肝之兩傷也往往邪入之而最易惟是邪既乘肺肝之虛深入于二經之中使氣逆于下而上不通將何以治之仍治其肺肝之虛少佐散邪之藥則得矣方用兩治湯白芍五錢當歸三錢麥冬五錢人參一錢甘草一錢桔梗二錢蘇葉八分天花粉一錢水煎服此方入肝入肺補氣補血消痰消火各各分治二劑便可奏功正不必多也

此症用加減補中湯亦妙
生地人參茯苓各二錢白木當歸各五錢甘草半夏各一錢黃芪一兩川芎一錢柴胡一錢水煎服

人有貪眠樂臥終日倘祥枕蓆之上遂至風邪襲之身痛背疼發熱惡風人以為風邪外感誰知脾氣之內傷乎夫脾主四肢四肢倦怠多欲睡眠以脾氣之不能運動也畧為睡臥亦足養脾氣之困然過于睡臥則脾氣不醒轉足傷氣已虛益虛安得不招外風之入乎專治其風必至損傷脾氣脾氣因虛而招風祛風而重傷脾氣邪且欺脾氣之虛而不肯出人不知用補脾之法往往變證蜂起也方用補中益氣湯加味治之人參三錢黃芪五錢白朮五錢當歸二錢陳皮五分甘草一錢升麻三分柴胡一錢半夏一錢神麩一錢水煎服一劑輕二劑又輕三劑全愈補中益氣湯正益脾聖藥况睡臥既久脾氣下陷正宜用之以升提下陷之氣加半夏神麩者以久睡脾氣不醒者飲食多致生痰二味最善醒脾故用之也

此症用加味益氣湯亦妙

人參二錢白朮五錢甘草一錢茯苓三錢陳皮五分

半夏一錢柴胡一錢水煎服

人有終日呼盧長夜鬪頁筋痠背痛足重腹饑以至感冒風邪遍身皆痛身發寒熱人以為風邪外感誰知血氣內傷乎凡人日用尋常原易損傷氣血况呼盧鬪頁勞其心神損傷氣血為尤甚無奈世人借此為消閒適意之具以致耗散氣血邪已入身猶然不悟為之醫者復昧其內傷之因惟治其外感之病正氣益虧邪氣愈旺非變為癆瘵之疴必成爲怯弱之疾矣故治法須大補氣血少加以和解之品則正氣足以祛邪而邪自外遁也方用十全大補湯加減治之人參三錢黃芪五錢川芎一錢當歸三錢茯苓三錢甘草一錢白朮三錢陳皮五分白芍三錢熟地三錢柴胡一錢水煎服一劑汗解二劑熱退連服數劑全

愈此方乃氣血兼補之方氣血不足舍此原無第二之劑原方有肉桂以補命門之火但呼盧鬪頁之人未免火有餘而水不足故去肉桂易之柴胡于補中和之則邪尤易散也

此症用兩治湯亦效

生地人參各三錢白朮五錢茯苓三錢甘草半夏川

芎朮胡各一錢黃芪一兩當歸五錢水煎服

人有爭強好鬪或赤身不顧或流血不知以致風入皮膚畏寒發熱頭疼脇痛人以為風邪外感誰知筋骨之內傷乎夫筋屬肝骨屬腎肝血足而筋舒腎水滿而骨健是筋骨必得髓血之充也世人之耗髓血者無過泄精人盡知之鬪毆以耗髓血人未盡知也蓋鬪毆之時必多動怒怒起而肝葉開張血多不藏而血自耗肝血既耗必取給于腎水腎水供肝木火內焚又易乾爍腎且資肝血之不足何能分潤于骨中之髓乎血與髓兩無

有餘筋安得舒骨又安得健乎人至筋骨兩無旺氣風邪乘虛而侵不能拒絕治法宜急救其虛方用四物湯加味治之熟地一兩當歸五錢川芎一錢白芍五錢柴胡一錢牛膝三錢金釵石解二錢丹皮二錢白芥子一錢水煎服四物湯補血之藥亦補髓之藥也原因髓血虛而入邪補髓血而邪自易出故少加柴胡和解風邪隨手即散彼專治風邪不補髓血者尚昧于治內傷之法也

此症用護骨散效

牛膝丹皮各三錢金釵石斛山萸各二錢熟地白芍

當歸各五錢柴胡天

花粉各一錢水煎服

人有終日捕魚身入水中時而發熱畏寒惡冷人以為風濕之外感也誰知是肺氣之閉塞乎夫肺本主氣氣旺則周流一身從皮毛外泄雖有外邪之感不能損傷倘肺氣少虛則氣有停住

之虞矣。身入水中，遏抑皮毛，則虛氣難以舒轉，濕且中之。夫濕本外受，今從皮毛旁入，致使一身之氣閉塞不通，此畏寒惡冷之所以起也。肺氣既虛，則皮毛不能外衛，水冷金寒，肺氣與濕邪相戰，則身熱生矣。此熱乃肺氣之虛，不能敵邪，而身熱也。治法補其肺氣為主，兼帶利水之味，則正旺而邪自易散。方用利肺湯：紫蘇一錢，人參二錢，白朮三錢，茯苓五錢，甘草一錢，桔梗一錢，半夏一錢，神麴三分，附子一分。水煎服。一劑熱解，二劑寒冷俱不畏矣。三劑全愈。此方補肺氣之不足，不見利水，水自從膀胱而去，惟其內傷以致邪入，故不必治外感耳。

此症用宣閉湯亦效
黃芪茯苓各五錢，人參猪苓各三錢，澤瀉二錢，半夏一錢，肉桂羌活各一錢，水煎服。

人有憂思不已，加之飲食失節，脾胃有傷，面色黎黑不澤，環唇尤

甚，心中如飢，然見食則惡，氣短而促，人以為內傷之病。誰知是陰陽之相逆乎？夫心肺居于上焦，行榮衛而光澤于外，腎肝居于下焦，養筋骨而強壯于內，脾胃居于中焦，運化精微，灌注四臟，是四臟之所仰望者，全在脾胃之氣也。倘脾胃一傷，則四臟無所取資，脾胃病而四臟俱病矣。若憂思不已，則脾胃之氣結，飲食不節，則脾胃之氣損，口者脾胃氣出入之路，唇為口之門戶，脾氣通于口，而華于唇，金水反侮土，故黑色著于唇，非陰陽相反而成逆乎？不惟陽明胃脈之衰，而面焦已也。是脾胃陰陽之氣，兩有所虧，烏可不急救其中州之土乎？方用和順湯：升麻五分，防風三分，白芷三分，黃芪三錢，人參二錢，甘草三分，白芍三錢，白朮五錢，茯苓三錢，炮薑五分。午前服，連服十劑，黑色盡除，再服十劑，諸病全愈。此方乃補中益氣之變方，升陽氣以散陰

氣之治法也。凡陽氣下陷于陰中，則用補中益氣之方，升提陽氣，倘陰氣上浮于陽中，則用此方，升散其陰氣，皆能奏功之甚速也。

此症用調逆湯亦效

人參 茯苓 白芍 生地 沙參 各三錢 白朮 五錢 甘草 五分

蘇子 神麩 各一錢

荆芥 二錢 水煎服

人有怔忡善忘，口淡舌燥，多汗四肢疲軟，發熱小便白而濁，脈虛大而數，人以為內傷之病也。誰知是由思慮過度而成之者乎。夫君火者心火也，相火者膻中之火也。膻中手厥陰之經，性屬陰而主熱。古人以厥陽名之，以其火起之，不可遏也。越人云：憂愁思慮則傷心，心氣一傷，心血自耗，心氣既耗，心氣遂不能自主，每欲寄其權于相火，而相火欺君火之弱，即奪心之權，而恣肆矣。治法宜以水濟火，然見火勢之熾張，用寒涼以濟之，則心

氣益虛，愈激動其焦焚之害矣。宜亟補其心氣之虛，大滋其腎水之涸，則心火寧靜，相火不安，而自安矣。方用坎離兩補湯，人參五錢，熟地一兩，兔絲子三錢，生地五錢，麥冬五錢，丹皮二錢，炒棗仁三錢，北五味子一錢，茯苓三錢，桑葉十四片，山藥五錢，白朮三錢，水煎服。連服數十劑而愈。此方心腎兩補，腎水上濟于心，水足而火無亢炎之禍，自然火息而有滋潤之樂也。心中清淨而外有轉輸，則心包何敢竊柄勢，必相合而得生也。

此症用鎮神湯亦效

人參 炒棗仁 茯苓 山藥 各五錢 遠志 一錢 巴戟 天 三錢 甘草 五分 黃連 三分 水煎服

人有勞倦中暑，服香薷飲，反加虛火炎上，面赤身熱，六脈疾數無力，人以為暑火之未消也。誰知是內傷于中氣乎。凡人中氣充足，則暑邪不能相犯，暑氣之侵，皆氣虛招之也。然則內虛發熱，

烏可不治虛而治邪哉。况夏月伏陰在內，重寒相合，反激動虛火之升上，此陰盛隔陽之症也。治法宜補陽退陰，然而陰盛陽微之際，驟用陽藥，以入于衆陰之中，未必不扞格而不相入，必熱因寒用，始能不違陰寒之性，以奏其助陽之功也。方用順陰湯，人參三錢，白朮五錢，茯苓三錢，附子二錢，乾薑一錢，青蒿二錢，白扁豆三錢，水煎，探冰冷服之，必出微汗而愈。此方用薑附入于參朮之中，未免大熱與陰氣不相合，乃益之青蒿之寒散投其所喜，且又熱藥冷服，使上熱得寒，不至相激，及到中焦，寒性除而熱性發，不特不相格，及至相宜耳。

此症用參朮二香湯亦效

人參三錢，香薷一錢，甘草一錢，砂仁一粒，神麴五分

白朮二錢，陳皮五分

藿香五分，水煎服

人有形體素虛，忽感風邪，遍身淫淫，循行如虫，或從左腳腿起，漸

次而上至頭，復不行于右腳，自覺身癢有聲，人以爲奇病也。誰知內傷而氣不足乎。夫氣血自行，周流不息，何至生病。惟氣血止而不行，皮毛之間，卽有淫癢之病生矣。此氣血之衰也。氣血大衰，而皮毛焦，氣血少衰，而皮毛脫，氣血旣衰，又少有微邪，身欲自汗，邪又留而不去，兩相爭鬪，拂抑皮膚之間，因而作癢，不啻如虫之行，非真有虫也。傷寒症中，汗多亡陽，亦有身如虫行之病。夫傷寒本是外感，然至于亡陽，則外感變爲內傷矣。今非傷寒，亦現虫行之象，非內傷而何。治法大補氣血，氣血行而身癢自愈也。方用補中益氣湯，人參一兩，黃芪一兩，當歸五錢，白朮五錢，陳皮五分，甘草一錢，升麻五分，柴胡一錢，玄參三錢，桑葉二十片，水煎服。十劑全愈。補中益氣湯原是大補氣血之神劑，多用參芪，尤爲補氣，氣旺而血自旺，更能流行也。方中加玄

參桑葉者身癢多屬于火能退浮遊之火也桑葉善能止汗汗多者發癢止其汗而癢自止也

此症用蚕蝎歸芪湯亦效
當歸黃芪各五錢茯苓三錢僵蚕半夏各一錢全蝎一個陳皮五分水煎服

人有色白神怯秋間發熱頭痛吐瀉食少兩目喜閉喉啞昏昧不省人事粥飲有碍手常搵住陰囊人以爲傷風重症也誰知是勞倦傷脾之故乎夫氣本陽和身勞則陽和之氣變爲邪熱不必有外風襲之而身始熱也諸陽皆會于頭陽氣一虛則清陽之氣不能上升而邪熱遂乘之薰蒸于頭而作痛不必有外風犯之頭始痛也清氣不升則濁氣不降上下拂亂安得不吐瀉哉人身之脈皆屬于目眼眶屬脾脾氣既傷目無所養欲不閉而不可得也脾之絡連于舌本散布于舌下脾傷則舌之絡失

養此言語之難也咽喉雖通于肺然脾虛則五臟皆虛肺虛而咽喉難司出入心之神明亦因之昏聩矣陰囊屬肝脾虛則肝欲來侵頻按其囊者惟悉肝木之旺土虧之極反現風木之象也治法大健其脾土則風木之象自消矣方用補中益氣湯人參三錢白朮五錢黃芪五錢當歸三錢茯苓三錢陳皮三分甘草五分柴胡一錢升麻三分製附子三分水煎服二劑輕十劑全愈病本內傷用補中益氣湯自中病情方中加入附子者蓋參芪歸朮非得附子則其功不大建功亦不甚神况用止三分亦無太熱之虞轉有反正之速也

此症用加減歸脾湯亦效
人參當歸茯苓白朮白芍各三錢甘草半夏各五分
川芎二錢白豆蔻一粒柴胡遠志棗仁各一錢麥冬五錢水煎服

人有日坐于圍爐烈火之邊以致汗出不止久則元氣大虛口渴

引飲一旦發熱人亦以為外感于風誰知是肺金受火之傷乎夫肺本屬金最畏火氣外火雖不比于內火然肺氣受二火之煎逼自然不得其養矣况肺乃腎水之母肺自難養何以能生腎水腎水不生日索母乳母病不能應則子亦病矣子母兩病勢必至皮膚不充風邪易入不必從膀胱風府之穴而後進也然則治法何必治風但補其肺氣大滋其腎水則肺金得養內難藏邪風從皮膚而入者仍從皮膚而出矣方用安肺散麥冬五錢桔梗二錢生地三錢白芍三錢茯苓三錢紫蘇二錢欬冬花一錢天門冬三錢紫苑一錢黃芩三錢熟地三錢山茱萸二錢玄參五錢貝母五分水煎服而身熱解二劑全愈此肺腎同治之法安腎正所以安肺倘不顧肺氣一味祛邪是因傷益傷矣不變為勞怯者幾希矣

此症用蘇桔湯亦效

蘇葉桔梗甘草各一錢生地三錢沙參白芍各五錢

黃芩天花粉各二錢當歸

三錢玄參一兩水煎服

疝氣門 附奔豚

人有感浸寒濕畢丸作痛者冷即發痛不可忍此濕氣之入于腎經也夫濕侵于腎宜病在腰何以腰不痛而痛在畢丸乎不知畢屬腎腎氣不至畢丸則外勢不能振興蓋因腎得濕則寒寒在腎即寒在畢丸而氣結于腰腎之中宜畢丸之不應矣其畢丸作痛者因疝氣之成雖成于腎氣之寒亦成于畢丸之濕也當日泄精之後人坐于寒濕之區內外兩感畢丸獨受之矣治法溫其腎中之寒消其畢丸之濕病去如掃矣方用救丸湯肉桂二錢白朮二兩茯苓一兩薏仁一兩橘核一錢水煎服一劑二劑輕三劑痛除十劑全愈不再發也此症乃少陰腎經之病

腎中寒極、而腎氣不通、腎中濕重、而腎氣更滯、去其寒濕、而腎氣自行于畢丸之內、况肉桂橘核尤善入畢丸、自然手到功成也。

此症亦可用桂荔湯
白朮二兩、肉桂二錢、山藥一兩、小茴香二錢、荔枝核三個、敲碎、水煎服。

人有感浸濕熱、亦畢丸作痛、遇熱即發、然痛不至甚、此熱氣之入于腎經也、夫腎最惡熱、腎中虛火自旺、尚有強陽不倒之虞、况邪火相侵、熱以濟熱、畢丸作痛、烏能免哉、但火性甚急、火痛宜不可久、何終年累月不愈、即或暫時無恙、遇熱復發者、何為也、蓋因熱而又得濕耳、熱性急、而濕性遲、濕熱交攻、熱欲散而濕留、濕欲潤而熱燥、畢丸之內、竟成陰陽乖異、求其不痛得乎、治法去其濕熱之氣、疝病自除矣、方用利丸湯、茯苓一兩、薏仁一

兩、沙參二兩、水煎服、一劑輕、二劑又輕、十劑斷根、不再發也、此方以茯苓薏仁、分消其濕氣、以沙參化其腎中之熱、且沙參善能治疝、故兩用之、而成功耳、

此症用沙參湯亦甚效
茯苓白朮沙參各一兩、甘草一錢、丹皮五錢、肉桂二分、水煎服。

○人有畢丸作痛、氣上冲于肝、兩脇脹滿、按之益疼、人以為陰寒在腹、誰知是厥陰之氣受寒也、蓋畢丸不獨通腎、而且通肝、陰器者、宗筋之聚也、筋屬肝、畢丸可升可降、其膜實聯絡于陰器之間、故肝病而筋亦病、筋病而畢丸亦病矣、畢丸之痛、上冲于肝者、正顯同氣者、其病亦同、乃肝氣之冲于畢丸耳、方用畢丸湯、白芍二兩、小茴香三錢、橘核一錢、柴胡一錢、沙參五錢、水煎服、一劑症少止、二劑痛大止、三劑兩脇之脹滿盡除、四劑全愈、此

方平肝氣而不冲于睪丸得小茴香橘核沙參之類散睪丸之邪兩丸安奠何至上下相連而痛哉

此症用解痼湯亦神
肉桂二錢白芍白朮各二兩柴胡一錢沙參五錢水煎服

○人有膀胱閉癢小水不利睪丸牽痛連于小腸相掣而疼者皆云小腸之氣誰知是膀胱之熱結耶夫膀胱化者也膀胱寒則水水不化熱亦不化水不化而熱結膀胱水必分于經絡水入睪丸丸乃日大往往有囊大如斗而不能消者是必分消其水矣然但消其水不解其熱則膀胱之火直趨睪丸其疼更甚方用散丸湯茯苓一兩野杜若根枝一兩沙參一兩水煎服一劑痛除二劑丸漸小連服二劑水泄如注囊小如故矣此方之奇奇在杜若非家園之杜若也乃野田間所生藍菊花是也此物性

寒而又善發汗且能直入睪丸以散邪故用以助茯苓沙參既利其濕又瀉其熱所以建功特神惟是此藥發汗服此方後即用當歸補血湯數劑以補氣血則自無太虛之患也

此症用散癰湯亦佳
茯苓一兩車前子三錢肉桂一分葶藶二錢甘草一錢黃柏知母各一錢水煎服

○人有睪丸作痛後變為不痛不疼者名曰木腎乃寒極而氣不通也此症初起必感寒濕因而行房又感寒濕則濕入于睪丸之中寒結于睪丸之外遂至不痛不疼此種痼氣非用桂附不能直入睪丸以通其氣然無散邪之藥雖用桂附止可與陽而睪丸之邪終久難散且散邪之藥甚多而能散睪丸之藥甚少此世人所以治水腎之病不能多効耳方用化木湯白朮二兩附子一錢肉桂一錢杜若根一兩柴胡一錢水煎服即擁被而臥

身必發汗、必至雙腎之外、汗出如雨而後止、一劑即愈也、此方白朮利腰膈之氣、杜若根發畢丸之邪、得附子肉桂通達內外、柴胡解其肝中之濕、故一劑奏功如神耳、

此症用衛畢丹亦妙

附子甘草玄胡索柴胡各一錢、白朮三兩、肉桂三錢、

黃芪一兩、

水煎服

人有生狐疝者、日間則縮入、而痛、夜間則伸出而安、且能強陽善戰、此乃真正狐疝、若日縮夜伸、不能久戰者、仍假狐疝也、假狐疝乃寒濕之症、用前救丸湯治之即愈、至于真狐之疝、或于神道之旁行房、或于星月之下交感、乃祟憑之也、疝既不同、治亦宜異、大約狐疝滯氣未散、結于畢丸之內、狐最滯而善戰、每于夜間媚人、蓋狐屬陰也、日間縮入不可以戰、戰則疼痛欲死、此祟禁之也、凡祟亦屬陰、入夜則陰主令矣、人身之陽氣入于陰

之中、陰與祟之陰相合、則同氣相得、祟不禁焉、反得遂其善戰之歡、及至精泄、陽氣奔出、純陰無陽、又復作痛矣、治法似宜祛逐其祟、然祟之入也、必乘其虛、不補虛而逐祟、何能愈乎、方用逐狐湯、人參一兩、白朮五錢、茯苓五錢、肉桂三分、橘核一錢、白微一錢、荆芥三錢、半夏二錢、甘草一錢、水煎服、連服四劑全愈、此方純助其陽、陽氣旺、則陰氣自消、狐疝不逐、自愈矣、或謂夜伸善戰、正陽火之旺也、助其陽氣、未必非增其妖氣也、何助陽而祟滅乎、蓋日間陽氣用事、祟乃遏抑其陽氣、而不敢出、至夜乃乘陰氣、借交合、而聚于陰器之間、乃陽旺之假象、非真旺也、吾助其陽氣、則陽氣勃發、身中晝夜皆是陽氣、祟亦何敢附之、况方中又益以舒鬱逐邪之味、消痰解祟之品、此陰不敵陽、祟棄之而去矣、非助陽而烏得奏功之神如此哉、

黃芪二兩、肉桂三分、甘草、柴胡各一錢、貝母三錢、沙參一兩、水煎服二劑即愈

人有外感寒邪，如一暴之氣，從心而下，直至于陰囊之間，名曰奔豚。言其如豕之奔突，其勢甚急，不可止遏，痛不可忍，人爲外寒之症。誰知是心包命門二經之火衰乎？夫心包之火，與命門之火，一在心，一在腎，二火未常不相通也。人有此二火相通，則寒邪不能侵，二經火衰，寒邪得而中之矣。然寒氣入內，宜先犯心，何反下趨于腎囊乎？蓋腎氣虛寒，脾經又濕，寒與濕同氣相親，故逢濕則急趨而下，勢甚便也。此等之症，痰如風雨之來，乃一時暴病，非長年之久疾也。似疝而非疝耳。治法不可作疝治，補心腎之虛，溫命門之火，去脾經之濕，不必治奔豚而自愈也。方用安豚丹，治之人參五錢、白朮五錢、肉桂一錢、山藥一兩、巴戟天五錢、蛇床子三錢、附子五分、茯苓三錢、遠志一錢、甘草

一錢、水煎服，一劑即安。二劑全愈。此方補心補腎，則心腎氣足，後用桂附熱藥，始足以駕馭其猛烈之氣，轉易祛除。然邪勢既急，而藥過于猛烈，則急以治急，未免有太剛之懼。加入甘草之緩緩，急相濟，邪不難制，無有死關之失也。

此症亦可用參苓桂朮湯
白朮二兩、肉桂二錢、人參五錢、半夏五分、茯苓二錢
水煎服

人有小水甚勤，睪丸縮入，遇寒天更痛者，此膀胱之寒結也。夫膀胱之化水，命門之火化之也。似乎命門寒，而膀胱始寒。膀胱之寒結，獨非命門之寒結乎？孰知膀胱亦能自寒也。此症多成于入坐寒濕之地，寒氣襲入于膀胱，而不能散，雖有命門之火，亦不能化。蓋命門之火，止能化內濕，而不能化外濕耳。外濕既留于膀胱，勢必與命門之真火相戰，邪盛正衰，而痛作矣。治法必

須直祛膀胱之寒濕則羣九舒展痛亦自止方用辟寒丹肉桂三錢茯苓五錢白朮五錢甘草一錢橘核三錢荔枝核三個搗碎同水煎服二服即少減四服全愈此方用肉桂為君既能溫命門之火復能祛膀胱之寒白朮茯苓又是利水之劑橘核荔枝核更善定羣丸之痛非肉桂相引不能直入而散其寒結也

此症用木桂湯亦妙
白朮二兩肉桂錢水煎服

陰痿門

人有交感之時忽然陰痿不舉百計引之終不能鼓勇而戰人以為命門火衰誰知是心氣之不足乎凡入房久戰不衰乃相火充其力也陰痿不舉自是命門火衰何謂是心氣不足不知君火一動相火翕然隨之君火旺而相火又復不衰故能久戰不泄否則君火先衰不能自主相火即聳憑于其旁而心中無剛

俊接
骨字
恐有
誤

強之意包絡亦何能自振乎故治陰痿之病必須上補心而下補腎心腎兩旺後補命門之相火始能起痿方用起陰湯人參五錢白朮一兩巴戟天一兩黃芪五錢北五味子一錢熟地一兩肉桂一錢遠志一錢栢子仁一錢山茱萸三錢水煎服連服四劑而陽舉矣再服四劑而陽旺矣再服四劑必能久戰不敗苟能長服至三月如另換一人不啻重堅一番骨再造一入身也此方大補心腎之氣不十分去溫命門之火而火氣自旺世人不識補心以生火則心氣既衰火旺則焚心矣不識補腎以生火則腎水既虧而火旺則損腎矣心焚而腎損雖火旺何益乎及足以燒乾陰血勢必陽旺陰消而不可救耳

此症用濟陽丸亦妙
人參六兩黃芪半斤鹿茸一個酒浸切片又切作小
塊粉炒龜膏半斤人胞一個火焙麥冬四兩北五味
一兩炒棗仁三兩遠志二兩巴戟天半斤肉桂三兩

白木八兩、兔絲子一斤、半夏一兩、砂仁五錢、黃連八錢、神麩一兩、各為末、蜜為丸、每日白滾水送下、五錢服一月、陽舉矣、且能善戰

人有精薄精冷、雖亦能交接、然半途而廢、或臨門即泄、人以為命門之火衰、誰知是脾胃之陽氣不旺乎、夫脾胃屬土、土生于火、脾胃之陽氣不旺、仍是命門之火衰、蓋命門之火乃先天之火、脾胃之土乃後天之土也、後天之土、本生于先天之火、先天之火不旺、則後天之土不能生、然脾胃之土、雖屬後天、而其中未常無先天之氣、命門之火寒、則脾胃先天之氣、何能生哉、命門既不能生脾胃先天之氣、而脾胃後天之氣、益加衰微、欲其氣旺、而能固精、厚而不薄、烏可得乎、治法必須補先天命門之火、更補後天脾胃之土、則土氣既旺、火又不衰、庶几氣溫精厚乎、方用火土既濟丹、人參一兩、白朮一兩、山茱萸一兩、兔絲子一

兩、山藥五錢、巴戟天一兩、肉桂一錢、水煎服、連服十劑、而精厚矣、再服十劑、而精溫矣、再服三月、永不再弱、是方健脾胃之土、仍是補命門之火、濕氣去而精純、寒氣去而精煖、寒濕既除、陰氣消亡、而陽氣健旺、何至成怯弱之病哉

此症用旺土丹亦甚佳
人參六兩、白朮黃芪各一斤、巴戟一斤、茯苓五兩、山黃肉半斤、兔絲子八兩、肉豆蔻二兩、北五味一兩、肉桂三兩、破故紙四兩、杜仲八兩、山藥八兩、芡實八兩、神曲三兩、各為末、蜜為丸、每日白滾水送下五錢服一月、陽事改觀、而精亦不薄冷矣

人有年少之時、因事體未遂、抑鬱憂悶、遂至陽痿不振、舉而不剛、人以為命門火衰、誰知是心火之閉塞乎、夫腎為作強之官、技巧出焉、藏精與志者也、志意不遂、則陽氣不舒、陽氣者即腎中之真火也、腎中真火原奉令于心、心火動而腎火應之、心火抑鬱而不開、則腎火雖旺、而不能應、有似于弱、而實非弱也、治法

不可助命門之火，如助命門之火，則火旺于下，而鬱勃之氣不能宣，必有陽旺陰消之禍，變生癰疽，而不可救，宜宣通其心中之抑鬱，使志意舒泄，陽氣開而陰痿立起也。方用宣志湯：茯苓五錢、菖蒲一錢、甘草一錢、白朮三錢、生棗仁五錢、遠志一錢、柴胡一錢、當歸三錢、人參一錢、山藥五錢、巴戟三錢。水煎服，二劑而心志舒矣。再服二劑，而陽事舉矣。不必多劑也。蓋此病原因火閉而悶其氣，非因火寒而絕其燼也。故一升火，而陽痿立起矣。

此症用啓陽娛心湯，甚佳。
人參二兩、遠志四兩、茯神五兩、菖蒲一兩、甘草橘紅砂仁柴胡各一兩、兔絲子白朮各八兩、生棗仁當歸各四兩、白芍山藥各六兩、神麩二兩，各為末，蜜為丸，每日白滾水送下五錢，服一月，陽不閉塞矣。

人有天分最薄，無風而寒，未秋而冷，遇嚴冬冰雪，雖披重裘，其身

不溫，一遇交感，數合之後，即望門而流，此命門之火太微也。夫命門雖是先天之火氣，而後天功用實可重培矣。第命門藏于腎中，乃無形之火也。有形之火，宜以火引火，無形之火，宜以水引火。以火引火，而火反不旺；以水引火，而火自難衰。此補命門之火，與補他火，實不同也。方用扶命生火丹：人參六兩、巴戟天一斤、山茱萸一斤、熟地二斤、附子二個、肉桂六兩、黃芪二斤、鹿茸二個、龍骨醋焯一兩、生棗仁三兩、白朮一斤、北五味四兩、肉苁蓉八兩、杜仲六兩，各為細末，蜜為丸。每日早晚各用五錢，服三月，自然堅而且久。此方填精者補水以補火也，何加入氣分之藥，不知氣旺而精始生，使但補火而不補氣，則無根之火，止能傳日夕之歡，不能邀久長之樂。惟氣旺則精更旺，精旺則火既有根，自能生生于不已。况氣乃無形之象，以無形之氣補無

形之火則更為相宜，所以精又易生，火亦易長耳。

此症用壯火丹亦甚佳。

人參五兩，巴戟天八兩，白朮炒熟地各一斤，山茱萸八兩，肉蓯蓉、枸杞各八兩，附子一個，用甘草三錢煎汁泡過，切片微炒熟，肉桂三兩，破故紙炒，茯苓各四兩，北五味一兩，炒棗仁三兩，栝子仁二兩，山藥、芡實各五兩，龍骨醋碎為末，一兩各為末，蜜為丸，服二月，堅而且久。

人有中年之時，陽事不舉，雖婦女捫弄而如故，即或振興，旋即衰敗。此心包之火氣大衰也。夫心包之火相火也，心包火旺，力能代君行事，若心包火衰，心火雖動，如相臣臥病，氣息奄奄，欲其奮身勤王，其可得乎？且心包之火與命門之火正相通也，未有心包寒而命門能獨熱者，所以心包之火微有扶之而不起者，治法溫其心包，不必溫其命門也。方用人參一兩，巴戟天一兩，肉桂三錢，炒棗仁五錢，遠志二錢，茯神一錢，良薑一錢，附子一

錢，栝子仁二錢，黃芪五錢，當歸三錢，兔絲子二錢，水煎服，連服十劑，興趣自生。服二十劑，陽旺不倒矣。此方名為救相湯，專治心包虛寒之症，不止振舉其陽也。方中雖治心包實皆統治心者，蓋補其心君則君王富足，而相臣自強，相助為理矣。

此症用輔相振陽丸亦佳。

人參五兩，巴戟十兩，炒棗仁、麥冬各五兩，兔絲子十兩，遠志、栝子仁、肉桂各二兩，茯神、枸杞各三兩，黃芪八兩，當歸、仙茅各四兩，白朮六兩，人胞一個，陳皮五錢，陽起石、火煨醋碎一兩，各為末，蜜為丸，每日早晚各服四錢，滾水下，三月陽事振發。

痰證門

人有腸胃之間，瀝瀝有聲，飲水更甚，吐痰如湧，人以為痰飲之病，誰知是胃氣之虛乎？夫胃為水穀之海，飲食無不入於胃中，遊溢精氣，上輸脾胃，下輸膀胱，水精四布，五經並行，此胃氣之旺而然也。倘胃氣一虛，僅能消穀，不能消水，由是水入胃中，不存

於胃而下流於腸故瀝瀝有聲也其症初猶不覺久之水之精華變為混濁遂成痰飲團聚于呼吸難到之處而上湧矣然則痰之來也由于胃氣之虛痰之成也由于水氣之盛治痰必先消水消水必先健胃但徒補胃土而胃氣不能自旺蓋胃氣之衰由心包之氣弱也補胃土必須補心包之火耳方用散痰湯白朮三錢茯苓五錢肉桂五分陳皮五分半夏一錢薏仁五錢山藥五錢人參一錢水煎服此方即二陳湯之變也二陳湯止助胃以消痰未若此方助心包以健胃用肉桂者不特助心包之火且能引茯苓白朮入于膀胱以分消其水濕之氣薏仁山藥又能燥脾以洩其下流之水水瀉而痰涎無黨不化痰而化精矣豈尚有痰飲之不愈哉

此症用運痰湯亦效

人參半夏各三錢茯苓一兩陳皮三分益智仁五粒

肉桂一錢

水煎服

人有水流脇下咳唾引痛吐痰甚多不敢用力人以為懸飲之病誰知是胃氣之怯乎夫飲水宜入于腸今入于脇乃胃氣之逆也第胃不怯則胃之氣不逆胃氣旺而水怯胃氣怯而水旺欲使水逆而歸于順必使胃旺而後可導其水勢之下行提其胃氣之上升自然怯者不怯逆者不逆也方用弱痰湯人參一錢茯苓五錢荆芥一錢薏仁一兩陳皮五錢天花粉三錢枳殼三分白芥子二錢水煎服上能消膜膈之痰下能逐腸胃之水助氣則氣旺而水降矣倘徒用消痰之藥不補其胃氣之虛則氣降而水升泛濫之禍不止矣

此症用加味四君湯亦效

人參白芍各三錢白朮茯苓各五錢陳皮五分益智

仁一錢甘草三分水煎服

人有痰涎流溢于四肢汗不出而身重吐痰靡已人以為溢飲之病誰知是胃氣之壅乎夫天一生水流灌無處不到一有瘀蓄則穢濁叢積水道泛濫而橫流旁溢矣凡水必入胃胃通而水何能積惟胃土有壅滯水不走膀胱而順流乃由胃而外滲于四肢四肢無泄水之路必化汗而出然水能化汗由于胃氣之行也今胃既壅阻胃氣不行何能化汗水又何從而出身重者正水濕之徵也四肢水濕不能出自然上湧而吐痰矣治法必順其性因勢利導之庶几泛濫之害可除開胃土之壅而膀胱小腸之水道自通然土壅由于肝木之尅宣肝氣之鬱補胃氣之虛胃壅可開矣方用啓閉湯白朮三錢茯苓五錢白芍三錢柴胡五分猪苓一錢厚朴一錢澤瀉一錢半夏一錢水煎服連服四劑而痰消再服四劑而身輕矣此方即四苓散之變也加而水亦行氣化而痰亦化矣

此症用白花飲亦佳
白朮五錢薏仁茯苓各一兩甘草五分天花粉三錢
柴胡一錢枳殼五分水煎服

人有咳逆倚息短氣其形如腫吐痰不已胸膈飽悶人以為支飲之症誰知是胃氣之逆乎夫胃為水穀之海宜順不宜逆順則水化為精逆則水化為痰然逆有深淺之不同逆淺而痰入于胸逆深而痰入于膈然而胃氣之逆致痰飲上行竟入于胸膈之間則其逆亦甚而逆何以至此也胃為腎之關腎虛而氣冲于胃則胃失其啓闔之權關門不閉反隨腎氣而上冲腎挾胃中之痰而入于肺肺得水氣而侵故現水腫之狀咳逆倚息之病生其症似乎氣之有餘而實氣之不足故短氣而不可以接

續也治法轉胃氣之逆而痰可降補腎氣之虛而胃可順矣方用轉胃湯山藥一兩薏仁一兩人參一兩白朮五錢牛膝三錢附子一分陳皮三分蘇子二錢麥冬一兩白芥子三錢水煎服一劑胃氣平二劑胃氣轉三劑咳逆短氣之症除四劑全愈此方轉胃為名而實所以轉腎氣之逆也腎逆而後胃逆然則轉腎正所以轉胃也此等之病非此大劑則胃之氣必不能通于腎之中而腎之氣必不能歸于腎之內倘日日治痰則耗損胃氣而腎氣益逆何日是降痰之時哉勢不至于死不已也

此症用加味參朮苓桂湯亦佳

人參茯苓麥冬山藥各五錢白朮一兩破故紙一錢蘇子肉桂各一錢水煎服

人有終日吐痰少用茶水則心下堅築短氣惡水人以為水在于心誰知火鬱于心乎夫心屬火最惡者水也若心氣不虛水之

入胃正足以養心而水亦不敢直入以犯之惟心氣之虛火先畏水而水即乘其畏以相攻火欲出而不得出自鬱于內而氣不得宣故築動而短氣非氣之真短也火既與水相戰則水正火之仇也傷水惡水又何疑乎治法不可徒利乎水也利水必先消痰而消痰必至損胃胃氣損而心氣愈虛水與痰終難去也必須補心以生胃散鬱以利水則火氣旺而水不能侵自不至停于心下而變為濕痰也方用勝水湯茯苓一兩車前子三錢人參三錢遠志一錢甘草三分菖蒲一錢柴胡一錢白朮一兩陳皮五分半夏一錢水煎服一劑輕二劑又輕四劑全愈此方六君子之變也補心散鬱並而行之心氣健而火氣自通火氣通而胃之氣自旺土旺自能制水何畏于水之攻心哉

此症用加減運痰湯亦効
人參三錢茯苓一兩益智仁一錢菖蒲一錢澤瀉五

錢肉桂五分水煎服

人有口吐涎沫、渴欲飲水、然飲水又不能多、仍化為痰而吐出、人以為水之在肺也、誰知是肺氣之熱乎、夫肺主氣、行營衛、布津液、周流于一身、不可停住者也、惟水邪入之、塞其氣道、氣凝不通、液聚不達、遂變為涎沫、而清肅之令失、肺乃生火、以自焚、故引外水以救內火、然內火終非外水可息、外水亦非內火易消、故不化精津、仍變為痰涎、而上吐也、治法清肺金之熱、不取給于外水、則水不入肺、而涎沫可解、然肺金失清肅之令、不止水邪之故、蓋水邪之入肺、因心火之尅肺也、肺因火邪相侵、原思水以相濟、水乃乘其渴而入之、故欲解肺金之熱、必須清心火之炎、方用解炎湯、黃連五分、天花粉二錢、黃芩一錢、麥冬一兩、茯苓五錢、桔梗一錢、甘草三分、陳皮三分、神麩五分、水煎服、一

劑渴解、二劑痰消、不必三劑、此方清心肺之熱、而痰氣過升、亦非所宜、加入茯苓、下行于膀胱、則火隨水走、其勢自順、既能消痰、又能降火、何至肺氣之壅塞乎、且此方雖消痰降火、不耗損肺金之氣、此痰之所以易消、火之所以易降也、

此症用息沸飲亦佳
 麥冬二錢、款冬花一錢、茯苓二錢、甘草一錢、桔梗一錢、黃芩二錢、天花粉二錢、竹葉三十片、水煎服

人有少氣身重、日吐清水、清痰、人以為水在脾也、誰知是脾氣之寒乎、夫脾為濕土、所惡者水、喜者火也、火衰則水旺、水旺則火衰、必然之理也、蓋無火則土為寒、土水不能燥、而且有凝凍之憂、即有微火、僅可化水、而不能化津、但能變痰、而不能變液、且火既衰微、止可化上焦之水、不能解下焦之凍、此清痰清水、所以上吐、而不下行也、濕流于四體、身安得不重乎、治法必須利

水清痰以燥脾土之氣然而脾中無火雖脾土之衰由于腎火之弱也不補腎中之火則釜下無薪土如冰炭安能大地陽同變濕汚之地為膏壤之區乎故必須補腎火之旺而土自燥土燥而濕自除耳方用燥土湯白朮一兩茯苓一兩肉桂二錢人參三錢破故紙一錢山藥五錢芡實五錢砂仁三粒益智仁一錢半夏二錢水煎服此方燥脾者居其七燥腎者居其三似乎仍重在補脾而輕在補腎不知脾喜燥而腎惡燥使燥腎之藥太多則腎先受損何以益脾乎此用藥之妙于權衡也

此症亦可用加減運痰湯
人參茯苓神各三錢白朮五錢肉桂一錢白豆蔻一枚
陳皮五分神麩半夏一錢水煎服

人有痰氣流行脇下支滿發噎而痛輕聲吐痰不敢重咯此非水氣在肝乃鬱氣在肝也夫肝藏血而不藏水宜水之所不到然

而肝氣鬱則血不藏矣血不藏而水乘隙而入肝而肝終不藏水水乃留伏于肝之外而不散肝氣本鬱以招水又因水而愈鬱肝氣之逆可知矣脇下正肝之部位肝氣已鬱即無水邪相犯尚有脹急之症水停脇下安得不支滿乎發噎而痛者以火鬱未宣得噎則火欲出而不得出因乎動作痛也治法必須達肝氣之鬱少佐以消痰分水之藥則隨手奏功矣方用開痰飲柴胡一錢半夏一錢甘草一錢炒梔子一錢陳皮一錢薄荷一錢枳殼三分蒼朮二錢茯苓五錢水煎服二劑肝氣之鬱舒四劑脇滿之痛去不必五劑此方專解肝鬱鬱舒火散自不下剋脾胃之土上引痰涎之閉矣寧尚有水停脇下以增痛滿者哉

此症可用疏痰湯
白芍茯苓神各五錢甘草神麩半夏各一錢水煎服

人有水泛為痰涎如清水入水即化人亦不知為腎中之痰豈知

腎寒而精變為痰乎夫各經之痰皆外水入而化痰惟腎中之痰乃內水所成故心肝脾肺之痰可以用攻而獨治腎中之痰必須用純補之藥不可少間攻痰之味蓋腎中之痰乃純陰之水也陰火非陽火不能攝陽火者水中之火也陰水泛而火微陽水旺而火伏大補其水中之火不必降痰而痰自降矣方用八味地黃湯熟地一兩山藥伍錢山茱萸五錢澤瀉三錢丹皮三錢茯苓一兩肉桂二錢附子一錢水煎服一劑水泛為痰者立時即消天下治痰之捷效未有勝于此方者也然亦止可治腎寒而痰泛者不可執此方以概治痰也蓋痰非腎泛則痰為外邪何可以治內痰者移而治外痰乎惟真正是腎水上泛者用此方實効應如響然亦必須多用茯苓與熟地之分兩相同則腎水歸源而上中下三焦之濕氣盡行消化始無伏留之弊

萬勿執定仲景夫子原方謂茯苓不可多用故又表而出之

此症用復陰丹亦妙
熟地一兩山茱萸五錢天實山藥各一兩肉桂一錢
水煎服

人有吐痰純是白沫咳嗽不已日輕夜重人以為肺火之痰也誰知腎熱而火沸為痰乎此等之痰乃陰虛火動大約成癆瘵者居多即古之所謂吐白血也其痰一似蠟涎吐之不已必色變如綠涕之色即癆瘵之已成而不可救療者也然而癆瘵而吐白沫是腎絕之痰也亦有未成癆瘵與陰虛之火初動而即成此痰與癆瘵已成者尚有分別何可置之不救世人一味治痰絕不識治腎中之陰不變成癆瘵而不止夫火沸為痰者成于腎火之太旺由于木衰之極也腎可補不可瀉補腎水之衰即所以瀉腎火之旺故用補陰之藥以制陽不可用瀉陽之品以救

陰也、倘見其腎火之旺、而輕用黃柏知母、毋論火不可以驟息、痰不可以遽消、且擊動其火、以變為癆瘵者、比比也。治法但補水以逐痰、則痰消于烏有矣。方用定沸湯、熟地二兩、山茱萸一兩、麥冬一兩、北五味二錢、茯苓一兩、山藥一兩、玄參一兩、白芥子三錢、水煎服、連服二劑、火沸之痰、不知其何以去也。此方宜連服十劑、不可見二劑之效、便撤飲不服。蓋火沸之痰、實本於陰虛、而陰虛之火、非多服補陰之藥、則陰不能大長、火不能急散也。病者以此方為續命之湯、醫者以此方為奪命之劑、幸勿輕棄之也。

此症用歸味湯亦大妙

熟地二兩、山黃肉、玄參各一兩、天冬、女貞子、生地、百

合各三錢、款冬

花一錢、水煎服

人有偶感風邪、鼻塞咳嗽、吐痰黃濁、人以為痰塞胸膈也、法宜吐、

誰知風邪塞于肺經乎、夫邪在肺、古人亦有用吐而效者、以肺氣閉塞、謂吐中有發散之義也。然必大滿大實之症、始可用吐、如瓜蒂散湧出其痰、是也。若鼻塞咳嗽、吐痰黃濁、非大滿大實可比、何必用吐法哉。且不宜吐而吐、必有損傷胃氣之憂、胃氣傷、而肺氣亦傷、肺胃兩傷、舊疾雖去、而新痰復生、一吐不已而再、再吐不已而三、必變為不可治之症矣。故毋論虛人不可吐、即實人亦不可輕吐、以吐後必須守戒、五臟反覆、而氣未易復、一犯戒、而變症蜂起也。况肺邪閉塞之痰、亦易于表散、蓋肺氣閉塞于風邪、非閉塞于痰也。散其邪、而肺氣自通、肺氣通、而痰自化、王道原自平平、尚吐者霸道也。霸道可間用、不可常用、慎勿謂吐法神于表散、而盡用吐也。方用散痰湯、桔梗三錢、紫蘇二錢、黃芩一錢、麥冬五錢、半夏二錢、甘草一錢、陳皮一錢、茯苓

三錢水煎服一劑鼻塞通二劑咳嗽止三劑痰濁化四劑全愈此方名為散痰其實散肺之邪也

此症用二紫湯亦效

紫蘇葉紫苑各一錢桔梗二錢甘草枳殼黃芩各一

錢天花粉三

錢水煎服

人有寒氣入胃結成寒痰日日嘔吐人以為寒痰在胃誰知是胃氣之虛而寒結為痰乎凡人胃氣旺則水穀入而化精原不生痰惟胃氣虛僅能消穀不能消水則水積而為痰矣然而胃虛者火氣之衰也火旺則土旺火衰則土衰土衰不能制水故不變精而變痰也夫胃土自寒尚且水變為痰况外寒又侵胃乎內外之寒合自然痰涎日多下不能化必至上湧而吐矣祛寒其可緩乎惟是祛胃土之寒必須補心火之旺火旺土堅何痰不化哉方用六君子湯加味治之人參三錢白朮五錢茯苓三

錢陳皮一錢甘草三分半夏一錢肉桂二錢水煎服六君子湯原是補脾胃之聖藥胃病而治脾者脾胃為表裏脾健而胃更健也肉桂上補心火而下尤補腎火也心火旺而胃溫腎火旺而脾熱脾胃兩熱寒痰有不立消者哉

此症用加味參朮苓附湯亦甚効

人參一錢白朮三錢茯苓三錢附子二分神麴一錢

麥芽一錢白芥

子三錢水煎服

人有熱氣入胃火鬱成痰痰色黃穢敗濁不堪人以為熱痰作祟誰知是胃火之未消乎夫胃本屬土胃火之盛由于胃土之衰也胃土衰而外熱犯之似與胃相宜何以反化為痰乎蓋胃土既虛則水穀之入不能生津以潤土而土氣太乾必索外水以相救水多火勝而不相化胃土仰鬱而不伸胃火亦搏結而不發痰何能消必變為黃穢敗濁之色矣然則治法不必治痰補

胃氣之虛少加散火抒鬱之味則胃土復強消痰更易方用疏
 土湯白朮三錢茯苓五錢乾葛五分人參一錢甘草三分陳皮
 五分天花粉三錢竹葉三十片甘菊二錢柴胡五分水煎服一
 劑胃鬱解二劑胃火散三劑胃痰消四劑全愈此方補胃重而
 瀉火輕以鬱火之痰原未常大旺也故補胃而火可散散火而
 鬱自解况方中原有葛根柴胡以解其鬱乎鬱開痰豁必至之
 勢也

此症亦可用玄石花粉散

石膏二錢白朮三錢茯苓五錢天花粉玄參三錢水

煎服

人有感雨露之濕或墻垣土房之濕以致濕變為痰成爲痰飲肢
 節痠痛背心作疼臍下有悸人以爲濕痰成病誰知是脾氣之
 濕濕以助濕乎夫脾最惡濕必得腎火以燥之則汗泥之土始

成膏壤水入脾中散精而無留伏之害惟腎火衰微不能生脾
 土而脾土愈濕土濕自易成痰又加天地之水氣兩相感召則
 濕以添濕痰更添痰矣治法補腎火以生土補火之藥仍于補
 脾之中用之則火無亢炎之禍土有健順之宜方用五苓散治
 之白朮一兩猪苓三錢澤瀉二錢茯苓一兩肉桂二錢半夏三
 錢水煎服一劑臍下之悸除二劑肢節背心之疼痛止三劑痰
 飲盡消四劑全愈五苓散乃利水之神劑也肉桂溫命門之火
 更能引濕痰化水盡趨于膀胱而出尚恐舊痰已化而新痰又
 生故加入半夏以消之助苓朮之醒脾尤能奏健土之功也土
 生火中火旺土內一方而火土兩安脾腎兼補此五苓散之功
 也

此症用制涎湯亦效

茯苓薏仁白朮山藥各五錢肉桂一錢半夏二錢水

煎服

人有陰虛枯槁肺氣困乏、隘塞喉乾、咯痰動嗽、此肺氣之燥也。夫肺之燥、必非一日、夏傷于熱、秋必病燥、肺屬金、而金最畏火、夏火炎炎、肺金不能敵火氣之剋耳、但金既畏火剋、即宜發燥、何待火退金旺之時、反現燥象、不知金畏火刑、而金尚出其肺中之液、猶可以敵火氣之炎、迨火令既過、金無所畏、不足之氣形焉、轉難濟肺氣之乏、勢必求外水以止渴、然而外水止可入胃、終不可以入肺、且肺氣既燥、肺難自顧、何能下生腎水、乃腎中取給、又不免則燥且益燥、咳嗽吐痰之症生矣。治法似宜補脾胃、以生肺金矣、然健脾胃助胃之藥、性多燥烈、以燥投燥、則肺中之津液、未能遽生、反足以添其火炎、必須於潤肺之中、而大補其腎水、腎水足、而肺金得養、子富而母自不貧也。且肺金之氣、

夜藏于腎、向因腎涸、力難迎肺金、以歸藏于腎之內、肺乃取給于腎、而腎之水、不足以供肺之用、肺乃半途而返、不忍入于腎子之宮、腎見肺金之燥、出其涸竭之水、以濟之、涸竭之水、水中有火也、肺不敢受、于是不變津而變痰、此痰也、肺未常欲其上、升無如上焦火旺、肺液乾枯、不得不取資于痰、以暫救其隘燥、故略而升痰、迨痰既上升、而上焦之火、彼此相關、嗽又生矣。方用潤燥飲、麥冬一兩、熟地一兩、蘇子一錢、白芥子二錢、甘草一錢、桔梗三錢、天門冬三錢、山茱萸五錢、北五味五分、人參一錢、水煎服。二劑肺潤、四劑腎潤、十劑全愈。此方用二冬以潤肺、用熟地、茱萸、以補腎、肺腎相通、加人參、五味、以益氣、氣旺而津液尤易生也。又恐過于補腎、而不上走益肺、故加升提之味、使益肺多于益腎、尚慮用參以助燥、更入蘇子、甘草、使之調和于上。

辨證錄 卷之九
焦之間同白芥子以消膜膈之痰又不動火以增燥亦何致有痰嗽之患哉

此症亦可用潤稿湯治之
熟地麥冬歲雜各一兩甘草五分百合五錢貝母一錢水煎服

小兒痰氣壅阻竅隧不開手足逆冷有如風症人以為慢脾風也誰知是脾虛而痰盛乎夫小兒以脾健為主脾土不旺則所食之水穀盡變為痰痰氣既盛則經絡之間無非痰結竅隧閉塞氣即不能展舒矣脾主四肢手足者脾之所屬也脾氣既不能展舒何能運動夫手足平此逆冷之所以成而非外風之中也風性甚動而且急使真有風入則疾風暴雨勢不可當安有迂緩舒徐者乎無奈前人巧立名色謂是慢驚之風創造黃牛犀角蛇蝎等藥以療之遂至殺小兒如草菅深可痛惜使早用健脾

之劑少佐之以祛痰之藥則無兒不可活也方用健土開涎散人參五分茯苓二錢陳皮二分慧仁二錢乾薑二分砂仁一粒白朮二錢天花粉五分水煎服一劑風定二劑痰消三劑全愈此方健土以消痰與六君子湯不相上下然六君子用半夏以消痰未免有耗氣之失不若此方專利脾中之濕又能通氣溫中更勝于六君子也倘執此方概治小兒之痰庶幾全活者衆矣

此症用健運湯亦佳
人參一錢茯苓三錢甘草枳壳蘇葉半夏各三分益智仁三粒白芷蔻一粒水煎服

人有老痰結成粘塊凝滯喉嚨之間欲嚥不下欲吐不能人以為氣不清誰知是肝氣之甚鬱乎此等之痰必成黃穢之色蓋留于膜膈之上也老人虛人最多此痰非舒發肝木之氣斷然難

消然徒舒肝木之氣不大補肝中之血則脇間之燥不能除膜
 膈之痰亦不能化然而肝中之血腎水之所滋也補肝必須補
 腎而兼消痰方用潤燥破痰湯白芍一兩香附一錢青黛五分
 天花粉二錢白芥子二錢玄參五錢茯苓三錢山藥三錢水煎
 服一劑痰易吐二劑痰易嚥矣連服四劑而痰塊開矣再服四
 劑而老痰盡消此方肝腎兩治肝氣宣而肝血養則肝火不搏
 聚于胸中自然老痰不凝滯於脇內惟是老痰最難速化此方
 必須多用但不可責其近功耳

此症用寬膜湯亦效

白芍三錢枳殼三分甘草五分神麩三錢白芥子三

錢炒梔子一錢白朮二

錢鬱金一錢水煎服

人有痰在膈上大滿大實氣塞不能伸藥祛而不得下人以爲邪
 在上也誰知是邪在下乎夫上病宜療下何以古人用上治吐

法而能愈乎此亦一時權宜之法非可常用之道世人遵張子
 和之教一見滿實之症便用吐藥誰知儘可不吐哉凡見實滿
 之症下之自愈但下不同耳下之者乃祛入胃中非祛入腸中
 也痰涎上壅于膈原是胃氣之盛而本于胃火之盛也瀉胃火
 之有餘自然現胃氣之不足胃氣無滿實之象膈中滿實安能
 重滿重實耶勢必痰氣頓消盡落于胃中矣何必湧痰上吐損
 傷胃氣使五臟之盡反覆哉方用降痰舒膈湯石膏三錢天花
 粉三錢厚朴一錢枳殼一錢半夏一錢茯苓五錢益智仁五分
 水煎服一劑滿實平二劑滿實盡除痰亦盡下此方瀉胃火而
 降痰實有奇功雖其性亦迅烈不平然勝于吐法實多也世人
 欲用吐法者先用此方不效後再用吐藥有益于生命無窮幸
 勿哂醫學平庸謂用藥之胆怯也

此症亦可用伸膈湯治之

瓜蒌三錢、半夏三錢、枳殼一錢、甘草一錢、水煎服

人有遍身俱長、大小之塊、纍纍不一、人以為痰塊也、誰知是氣之不行、而痰因結之、而不散乎、夫怪病多生于痰、身中長塊、亦怪病之一也、然而痰生塊結、必有其故、蓋痰之生、本于濕塊之結、成于火、故無濕不能生痰、而無痰不能成塊、第痰之生也、雖生于濕塊之成也、雖成于火、苟氣旺而濕又何留、濕苟不留、火又何從而起、是消塊不必去火、惟在于消痰、亦不必全消夫痰、又在亟補其氣、蓋氣旺則痰消、痰消則塊亦消也、方用二陳湯、加味治之、人參三錢、茯苓三錢、白朮五錢、陳皮二錢、半夏三錢、白芥子三錢、薑炒黃連五分、水煎服、十劑消半、十劑全消、此方本消痰之聖藥、亦消塊之神劑、塊成于痰、消痰即所以消塊也、

此症亦可用礬石消壘散

澤瀉半、夏各三錢、茯苓神白朮各五錢、薏仁一兩、附子

二分、人參二錢、甘草五分、白礬一錢、黃連三分、水煎服、十劑自消

人有性喜食酸、因多食清梅、得痰飲之病、日間胸膈中、如刀之刺、至晚而胸膈痛止、膝脰大痛、人以為胃中之寒、誰知痰飲隨氣升降、而作痛乎、夫痰在上宜吐、痰在中宜消、在下宜降、今痰飲在胸膈之間、是痰在上焦也、不可用消痰降痰之法、必當用吐藥吐之、惟是吐痰、必傷其氣、毋論大吐之後、使臟腑反覆、多傷胃氣、而多食酸味之人、則肝木必旺、而恣肆其橫逆之勢、以傷中州之土矣、土傷則胃氣更損、雖久積之痰、頓失新長之痰、安保其不再聚乎、治法於吐中、而仍行其補胃平肝之法、使痰去而止、又不虧之為得也、方用參蘆一兩、瓜蒂七枚、白芍一兩、白芥子一兩、竹瀝二合、水煎服、一劑必大吐、盡去其痰、其痛如失、然後用二陳湯調理、不再痛、前方名為倒痰湯、用參蘆以扶胃

土用白芍以平肝木用白芥子竹瀝其入于瓜蒂之中吐痰即
用消痰之藥使餘痰盡化舊痰去而新痰不生得治痰之益又
絕其傷氣之憂也

此症用葶蘇飲亦佳
瓜蒌三錢甘草一錢半夏三錢蘇葉三錢竹瀝一合
陳皮一錢
水煎服

人有偶食難化之物忽然動驚因而飲食減少形體憔悴面色黃
瘦顛寒作熱數載不愈人以爲勞瘵之症也誰知痰裹其食而
不化乎夫傷食之病未有手按之而不痛者况痰裹其食其痛
尤甚何以經歲經年而人未知也且食至歲月之久宜當消化
何久留在腹乎不知食因驚而留于腹者食存于兩脇之旁外
有助骨護之手按痛處不能及也食因痰裹痰既不消食亦不
化故有留中數載仍爲舊物人所未知也兩脇之地乃肝木之

位痰食積于中自生如瘧之症發寒發熱狀似勞瘵以勞瘵治
之則驚氣不解而痰食如故病何能愈哉治法開其驚降其痰
食數載之病一朝可去方用釋驚湯治之白芍一兩當歸五錢
青木香三錢大黃三錢枳實一錢白芥子三錢茯苓三錢枳殼
一錢甘草五分麥芽一錢山查十粒水煎服一劑而痰食盡下
不必再劑此方消痰降食專走于兩脇之間開其驚氣故奏功
如神耳

此症用易消散亦效
山查三錢麥芽三錢白朮一兩驚甲一兩茯苓三錢
半夏三錢附子
一片水煎服

辨證錄卷之九

